

699/25

03-06-2025

SEKTOR ZA SOCIJALNU ZAŠTITU I ZAŠTITU OBITELJI I DJECE

Broj: 05-11/13-370/25
Datum: 03.06.2025. godine

SAGLASAN 02

FEDERALNO MINISTARSTVO RADA I SOCIJALNE POLITIKE
n/r Adnan Delić, ministar

Predmet: Javni poziv za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, **dostavlja se na potpisivanje**

Poštovani,

Sukladno Odluci o usvajanju Programa utroška sredstava s kriterijima raspodjele sredstava s pozicije "Tekući transferi neprofitnim organizacijama - Podrška vaninstitucionalnim oblicima brige i zaštite" utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike ("Službene novine Federacije BiH", broj: 28/25), Sektor za socijalnu zaštitu i zaštitu obitelji i djece je u formi prijedloga pripremio sljedeće akte koje je potrebno potpisati:

- Odluku o raspisivanju Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite;
- Javni poziv za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite i
- Obavijest o raspisivanju Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite.

Nakon što navedeni akti budu potpisani, iste je potrebno dostaviti u Sektor za socijalnu zaštitu i zaštitu obitelji i djece kako bi se pripremili za objavu na način utvrđen Odlukom o raspisivanju Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite.

S poštovanjem

POMOĆNIK MINISTRA

Prilog: Kao u tekstu

Dostaviti:

- Naslov
- Sektor za socijalnu zaštitu i zaštitu obitelji i djece

Broj: 05-11/13-370/25

Datum: 03.06.2025. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i člana 23. stav (3) Pravilnika o unutrašnjoj organizaciji Federalnog ministarstva rada i socijalne politike, broj: 01-02/3-1754/24 od 19.09.2024. godine, a u vezi s realiziranjem Odluke o usvajanju Programa utroška sredstava s kriterijima raspodjele sredstava s pozicije "Tekući transferi neprofitnim organizacijama - Podrška vaninstitucionalnim oblicima brige i zaštite" utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike ("Službene novine Federacije BiH", broj: 28/25), federalni ministar rada i socijalne politike donosi

O D L U K U
O RASPISIVANJU JAVNOG POZIVA ZA RASPODJELU SREDSTAVA S
POZICIJE TEKUĆEG TRANSFERA NEPROFITNIM ORGANIZACIJAMA -
PODRŠKA VANINSTITUCIONALNIM OBLICIMA BRIGE I ZAŠTITE

I

Ovom Odlukom raspisuje se Javni poziv za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, ekonomski kod 614300, utvrđenih u razdjelu 51. Budžeta Federacije Bosne i Hercegovine za 2025. godinu ("Službene novine Federacije BiH", broj: 7/25) u ukupnom iznosu od 2.000.000,00 KM (slovima: dva miliona konvertibilnih maraka).

II

Pravo prijave na Javni poziv za raspodjelu dijela sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite imaju neprofitne organizacije koje djeluju u sistemu socijalne i dječje zaštite i koje pružaju barem jednu od sljedećih socijalnih usluga: usluge malog porodičnog doma, usluge dnevnog ili poludnevnog boravka, usluge pomoći u kući, usluge stanovanja u zajednici uz podršku ili usluge prihvata (prihvatišta).

III

Dodjela sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite vršit će se u skladu s opštim i posebnim kriterijima utvrđenim Odlukom o usvajanju Programa utroška sredstava s kriterijima raspodjele sredstava s pozicije "Tekući transferi neprofitnim organizacijama - Podrška vaninstitucionalnim oblicima brige i zaštite" utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike ("Službene novine Federacije BiH", broj: 28/25).

IV

Postupke utvrđivanja formalne kvalificiranosti za dodjelu dijela sredstava s pozicije Tekućeg transfera neprofitnim organizacijama - Dječja nedjelja, kao i ocjene posebnih kriterija provest će posebna komisija.

V

U skladu s konačno odobrenom raspodjelom sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, Sektor za socijalnu zaštitu i zaštitu obitelji i djece će sačiniti zbirnu odluku o raspodjeli sredstava, kao i pojedinačne ugovore o suradnji, korištenju i načinu utroška navedenih budžetskih sredstava kojima će se detaljnije urediti međusobna prava i obaveze Federalnog ministarstva rada i socijalne politike (u daljnjem tekstu: Ministarstvo) i korisnika kojima sredstva budu odobrena.

VI

(1) Integralni tekst Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite zajedno s Prijavnim obrascem i Bodovnom shemom objavit će se na web stranici Ministarstva, dok će se Obavijest o njegovom raspisivanju objaviti u dnevnim listovima "Dnevni avaz" i "Večernji list".

(2) Rok za dostavljanje prijava je 20 dana od dana posljednjeg objavljivanja Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite.

VII

Za realiziranje ove Odluke zadužuju se Sektor za ekonomsko-finansijske i materijalne poslove i Sektor za socijalnu zaštitu i zaštitu obitelji i djece, svaki u okviru svoje nadležnosti.

VIII

Ova Odluka stupa na snagu danom donošenja.



Dostaviti:

- Sektor za socijalnu zaštitu i zaštitu porodice i djece
- Sektor za ekonomsko-finansijske i materijalne poslove

Akt pripremio: Miroslav Jurešić, pomoćnik ministra



Na osnovu Odluke o usvajanju Programa utroška sredstava s kriterijima raspodjele sredstava s pozicije "Tekući transferi neprofitnim organizacijama - Podrška vaninstitucionalnim oblicima brige i zaštite" utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike ("Službene novine Federacije BiH", broj: 28/25) i Odluke o raspisivanju Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, broj: 05-11/13-370/25 od 02.06.2025. godine, federalni ministar rada i socijalne politike objavljuje

JAVNI POZIV ZA RASPODJELU SREDSTAVA S POZICIJE TEKUĆEG TRANSFERA NEPROFITNIM ORGANIZACIJAMA - PODRŠKA VANINSTITUCIONALNIM OBLICIMA BRIGE I ZAŠTITE

I. PREDMET JAVNOG POZIVA

Predmet Javnog poziva je raspodjela sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite koja su Odlukom o usvajanju Programa utroška sredstava s kriterijima raspodjele sredstava s pozicije "Tekući transferi neprofitnim organizacijama - Podrška vaninstitucionalnim oblicima brige i zaštite" utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike ("Službene novine Federacije BiH", broj: 28/25) (u daljem tekstu: Program utroška sredstava) utvrđena u iznosu od 2.000.000,00 KM (slovima: dva miliona konvertibilnih maraka).

II. SVRHA FINANSIRANJA BUDŽETSKIM SREDSTVIMA

Svrha finansiranja odobrenim budžetskim sredstvima je prevencija institucionalizacije ranjivih pojedinaca i grupa (djeca, lica s invaliditetom ili stara lica) kroz njihovo socijalno zbrinjavanje i socijalnu podršku u obiteljskim modelima brige ili u modelima podrške za život u zajednici kao što su mali obiteljski domovi, dnevni ili poludnevni boravak, pomoći u kući, stanovanje u zajednici uz podršku ili prihvatilišta.

III. PRAVO SUDJELOVANJA

Pravo prijave na Javni poziv za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite imaju neprofitne organizacije koje djeluju u sistemu socijalne i dječje zaštite i koje pružaju barem jednu od sljedećih socijalnih usluga: usluge malog obiteljskog doma, usluge dnevnog ili poludnevnog boravka, usluge pomoći u kući, usluge stanovanja u zajednici uz podršku ili usluge prihvata (prihvatilišta) (u daljem tekstu: aplikanti).

IV. OPŠTI KRITERIJI ZA SUDJELOVANJE

IV. 1. Ocjena formalne kvalificiranosti za dodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite vršit će se prema sljedećim opštim kriterijima:

- a) neprofitne organizacije koje svoju osnovnu djelatnost obavljaju u oblasti socijalne zaštite i pružaju jednu ili više usluga koje su predmet Javnog poziva (mali obiteljski dom, dnevni ili poludnevni boravak, pomoć u kući, stanovanje u zajednici uz podršku ili prihvatilište);
- b) preporuka kantonalnog ministarstva nadležnog za oblast socijalne i dječje zaštite ili nadležnog centra za socijalni rad, odnosno opštinske ili gradske službe socijalne zaštite i
- c) dostavljen program, katalog ili preglednik usluga koje se pružaju s jasno navedenim nazivom i opisom svake pojedine usluge, kategorijom njihovih krajnjih korisnika, teritorijalnom pokrivenošću u smislu broja jedinica lokalne samouprave na čijem području žive korisnici tih usluga, stručnim profilom djelatnika uključenih u direktan rad s korisnicima, opisom načina na koji se te usluge pružaju, izlaznim rezultatima i očekivanim krajnjim efektima, te troškovima koje pružanje predmetnih usluga iziskuje iskazanim na godišnjem nivou i razvrstanim prema kategorijama.

IV. 2. Ukoliko program, katalog ili preglednik usluga koje se pružaju ne bude sadržavao neki od elemenata navedenih u tački IV. 1. ovoga Javnog poziva, Federalno ministarstvo rada i socijalne politike ima pravo, preko Komisije koja bude provodila predmetni postupak, zatražiti njegovu dopunu ili pojašnjenje, kao i odbiti prijavu ukoliko tražena dopuna ili pojašnjenje ne budu dostavljeni u utvrđenom roku.

V. POSEBNI KRITERIJI ZA RASPODJELU SREDSTAVA

V. 1. Raspodjela sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite vršit će se prema sljedećim posebnim kriterijima:

- a) prosječan broj korisnika na mjesečnom nivou obuhvaćenih pruženim uslugama;
- b) ukupan broj stručnih djelatnika uključenih u pružanje usluga koje su predmet Javnog poziva;
- c) broj lokalnih zajednica na čijem području žive korisnici predmetnih usluga i
- d) postotak sredstava osiguranih iz drugih izvora finansiranja u 2025. godini (vlastita sredstva, budžeti drugih nivoa vlasti ili drugih institucija, donatorska sredstva i slično) u odnosu na ukupnu vrijednost pruženih usluga na godišnjem nivou.

V. 2. Ocjena ispunjenosti posebnih kriterija provodit će se na osnovu bodovne sheme koju će sačiniti Ministarstvo i koja će biti javno dostupna svim zainteresovanim podnositeljima prijave.

V. 3. Ukoliko aplikanti u svojoj prijavi ne budu jasno iskazali vrijednosti posebnih kriterija navedenih u tački V. 1. ovoga Javnog poziva, Ministarstvo ima pravo, preko Komisije koja bude provodila predmetni postupak, zatražiti njihovo preciziranje ili pojašnjenje, kao i odbiti prijavu ukoliko traženo preciziranje ili pojašnjenje ne budu dostavljeni u utvrđenom roku.

VI. POTREBNA DOKUMENTACIJA

VI. 1. Kao dokaz o ispunjavanju opštih i posebnih kriterija utvrđenih ovim Javnim pozivom potrebno je da aplikanti dostave sljedeću dokumentaciju:

- a) Prijavni obrazac koji će se u elektronskoj formi moći preuzeti sa službene web stranice Ministarstva: www.fmrsp.gov.ba. Predmetni prijavni obrazac treba biti čitko popunjen, te potpisan od strane odgovornog lica i ovjeren pečatom aplikanta.
- b) Program, katalog ili preglednik usluga koje se pružaju s jasno navedenim nazivom i opisom svake pojedine usluge, kategorijom njihovih krajnjih korisnika, teritorijalnom pokrivenošću u smislu broja jedinica lokalne samouprave na čijem području žive korisnici tih usluga, stručnim profilom djelatnika uključenih u direktan rad s korisnicima, opisom načina na koji se te usluge pružaju, izlaznim rezultatima i očekivanim krajnjim efektima, te troškovima koje pružanje predmetnih usluga iziskuje iskazanim na godišnjem nivou i razvrstanim prema kategorijama.
- c) Preporuku kantonalnog ministarstva nadležnog za oblast socijalne i dječje zaštite ili nadležnog centra za socijalni rad, odnosno opštinske ili gradske službe socijalne zaštite. Predmetna preporuka treba biti u originalu ili ovjerenoj kopiji ne starijoj od tri mjeseca.
- d) Osnovno rješenje o registraciji sa svim kasnijim njegovim dopunama ili izmjenama. Predmetna rješenja trebaju biti u originalu ili ovjerenoj kopiji ne starijoj od tri mjeseca.
- e) Uvjerenje o poreznoj registraciji (ID broj). Predmetno uvjerenje treba biti u originalu ili ovjerenoj kopiji ne starijoj od tri mjeseca.
- f) Uvjerenje nadležnog ministarstva unutrašnjih poslova o nekažnjavanju kao dokaz da odgovorno lice aplikanta nije osuđivano za krivična djela, izuzimajući krivična djela iz oblasti saobraćaja. Predmetno uvjerenje treba biti u originalu ili ovjerenoj kopiji ne starijoj od tri mjeseca.
- g) Dokaz pribavljen od strane nadležne porezne uprave da aplikant nema neizmirenih obaveza u pogledu uplate poreza, doprinosa i drugih javnih prihoda. Predmetni dokaz treba biti u originalu ili ovjerenoj kopiji ne starijoj od tri mjeseca.
- h) Izjavu o prosječnom broju korisnika na mjesečnom nivou obuhvaćenih pruženim uslugama. Predmetna izjava treba biti potpisana od strane odgovornog lica aplikanta i ovjerena od strane nadležnog organa.
- i) Izjavu o ukupnom broju i stručnom profilu djelatnika uključenih u pružanje usluga koje su predmet Javnog poziva. Predmetna izjava treba biti potpisana od strane odgovornog lica aplikanta i ovjerena od strane nadležnog organa. Podaci o broju i stručnom profilu zaposlenih ili angažiranih osoba u predmetnoj izjavi trebaju biti razvrstani po vrsti stručnih poslova, te stručnim kvalifikacijama i radnom iskustvu osoba koje su angažirane na tim poslovima.
- j) Izjavu o postotku sredstava osiguranih iz drugih izvora finansiranja u 2025. godini (vlastita sredstva, budžeti drugih nivoa vlasti ili drugih institucija, donatorska sredstva i slično) u odnosu na ukupnu vrijednost pruženih usluga na godišnjem nivou. Predmetna izjava treba biti potpisana od strane odgovornog lica aplikanta i ovjerena od strane nadležnog organa.
- k) Izjavu o broju lokalnih zajednica na čijem području žive korisnici kojima aplikanti pružaju usluge socijalnog zbrinjavanja i socijalne podrške u obiteljskom modelu brige ili u zajednici. Predmetna izjava treba biti potpisana od strane odgovornog lica aplikanta i ovjerena od strane nadležnog organa.
- l) Ugovor s bankom ili potvrda banke iz koje se vidi vlasništvo nad računom kao i broj transakcijskog računa (kopija)

VI. 2. Izjava pod tačkom j) ovoga Javnog poziva, koja se odnosi na postotak sredstava osiguranih iz drugih izvora finansiranja u 2025. godini, mora sadržavati jasno iskazane iznose i postotke, kao i izvore iz kojih su ta sredstva osigurana, pri čemu se pod osiguranim sredstavima iz drugih izvora podrazumijevaju prihodi po osnovu obavljanja vlastite djelatnosti, budžetska sredstva bilo koje razine vlasti, donatorska sredstva i slično.

VI. 3. Ukoliko aplikant nema osigurane druge izvore finansiranja u 2025. godini, tada će izjavu iz tačke j) ovoga Javnog poziva dati u formi izjave o neosiguranim drugim izvorima finansiranja za 2025. godinu.

VI. 4. Sva tražena dokumentacija mora biti uvezana u cjelinu kao knjiga, jamstvenik, spiralni uvez ili uvezana u fasciklu pri čemu posebna dokumentacija mora biti pregledna, vjerodostojna i tehnički korektna.

VII. PRIHVATLJIVI I NEPRIHVATLJIVI TROŠKOVI

VII. 1. Prihvatljivim troškovima za finansiranje sredstvima s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite smatraju se:

- a) bruto plate i naknade plata djelatnika neprofitne organizacije;
- b) naknade troškova djelatnika neprofitne organizacije;
- c) doprinosi poslodavca i ostali doprinosi;
- d) putni troškovi;
- e) izdaci za energiju;
- f) izdaci za komunikaciju i komunalne usluge;
- g) nabavka materijala i sitnog inventara;
- h) izdaci za usluge prevoza i goriva;
- i) unajmljivanje imovine, opreme i nematerijalne imovine;
- j) izdaci za tekuće održavanje;
- k) osiguranje, bankarske usluge i usluge platnog prometa;
- l) ugovorene i druge posebne usluge i
- m) drugi rashodi povezani s pružanjem usluga.

VII. 2. Neprihvatljivim troškovima za finansiranje sredstvima s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite smatraju se troškovi:

- a) koji nisu vezani za pružanje usluga u obiteljskim modelima brige ili u modelima podrške za život u zajednici;
- b) koji se finansiraju sredstvima iz drugih izvora (budžeti drugih nivoa vlasti ili drugih institucija, donatorska sredstva i slično);
- c) koji su vremenski nastali u prethodnoj kalendarskoj godini ili će nastati u narednoj kalendarskoj godini;
- d) koji nisu zasnovani na načelu stvarnih troškova,
- e) koji ne budu plaćeni i proknjiženi na propisan način;
- f) koji ne budu dokumentovani i verifikovani adekvatnim računima ili drugim računovodstvenim dokumentima jednake dokazne vrijednosti;
- g) koji su nastali kao posljedica neodgovornog ili nezakonitog poslovanja neprofitne organizacije ili njezinih djelatnika (globe, finansijske kazne, troškovi parnica i sudskih sporova).

VIII. NAČIN PREGLEDANJA I OCJENJIVANJA PRISTIGLIH PRIJAVA

VIII. 1. Postupak pregledanja prijava za dodjelu sredstava koja su predmet Javnog poziva provodi posebna Komisija Ministarstva koja će:

- a) otvoriti pristigle prijave na ovaj Javni poziv, te utvrditi formalnu ispravnost istih u smislu njihove blagovremenosti, potpunosti i urednosti;
- b) pregledati i analizirati formalnu ispravnost dostavljene dokumentacije u smislu njezine ispravnosti i vjerodostojnosti;
- c) po potrebi, zatražiti pojašnjenje ili preciziranje činjenica navedenih u dostavljenoj dokumentaciji;
- d) provesti postupak bodovanja formalno ispravnih aplikacija na osnovu posebnih kriterija utvrđenih ovim Javnim pozivom i pratećom Bodovnom shemom;
- e) sačiniti liste uspješnih i neuspješnih prijava i
- f) sačiniti i utvrditi konačnu bodovnu listu s prijedlogom raspodjele sredstava.

VIII. 2. Aplikanti čija dokumentacija ne bude ispunjavala formalne uvjete prijave neće moći ući u dalji postupak ocjenjivanja, odnosno nepotpune i neblagovremene prijave neće biti uzete u razmatranje.

VIII. 3. Aplikanti koji budu ispunili formalne uvjete prijave ulaze u postupak ocjenjivanja posebnih kriterija prema Bodovnoj shemi koja će biti objavljena na web stranici Ministarstva zajedno s tekstom Javnog poziva i Prijavnim obrascem.

VIII. 4. Postupak ocjenjivanja provodi se tako što svaki pojedini član Komisije dodjeljuje za svaki pojedini posebni kriterij jednu od ocjena u visini i na način utvrđen Bodovnom shemom.

VIII. 5. Zbir dodijeljenih pojedinačnih ocjena predstavlja pojedinačnu ocjenu svakog člana Komisije.

VIII. 6. Konačna ocjena koju prijava za dodjelu sredstava dobije jest zbir pojedinačnih ocjena članova Komisije podijeljen s ukupnim brojem članova Komisije.

VIII. 7. Uspješnim prijavama smatrać će se one čija konačna ocjena bude iznosila minimalno 50% od 100 bodova kojima se prijava može maksimalno ocijeniti.

VIII. 8. Po okončanju postupka ocjenjivanja, sačinjavaju se liste uspješnih i neuspješnih prijava koje će se objaviti na web stranici Ministarstva s jasno navedenim rokom u kojemu će se moći podnijeti prigovori na objavljene rezultate

VIII. 9. Po isteku roka za podnošenje prigovora i njihovog razmatranja, utvrđuje se konačna bodovna lista s prijedlogom raspodjele sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, koja se dostavlja na odobrenje federalnom ministru rada i socijalne politike.

VIII. 10. Na osnovu odobrene konačne raspodjele sredstava sačinjava se zbirna odluka o raspodjeli sredstava, te se između Ministarstva i aplikanta kojima budu odobrena sredstva zaključuju pojedinačni ugovori kojima će se urediti međusobna prava i obaveze u pogledu dodjele budžetskih sredstava, te praćenja njihovog namjenskog trošenja.

IX. NAČIN JAVNOG OBJAVLJIVANJA I ROK ZA PODNOŠENJE PRIJAVA

IX. 1. Prijave se, u zatvorenoj kovrti, podnose poštom ili se lično predaju na pisarnici Ministarstva na adresu:

FEDERALNO MINISTARSTVO RADA I SOCIJALNE POLITIKE

Hamdije Čemerlića 2

71 000 Sarajevo

**s naznakom: "Ne otvaraj: Prijava na Javni poziv za raspodjelu sredstava s pozicije
Tekućeg transfera neprofitnim organizacijama - Podrška vaninstitucionalnim oblicima
brige i zaštite".**

IX. 2. Obavijest o Javnom pozivu će biti objavljena u dnevnim listovima "Dnevni avaz" i "Večernji list", a integralni tekst Javnog poziva na službenoj web stranici Ministarstva: www.fmrsp.gov.ba.

IX. 3. Krajnji rok za dostavljanje prijava je 20 dana od dana posljednje objave Javnog poziva.

IX. 4. Ministarstvo nema obavezu vraćati aplikantima dostavljenu dokumentaciju.

Broj: 05-11/13-370/25

Sarajevo, 03.06.2025. godine



Na osnovu Odluke o usvajanju Programa utroška sredstava s kriterijima raspodjele sredstava s pozicije "Tekući transferi neprofitnim organizacijama - Podrška vaninstitucionalnim oblicima brige i zaštite" utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike ("Službene novine Federacije BiH", broj: 28/25) i Odluke o raspisivanju Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, broj: 05-11/13-370/25 od 02.06.2025. godine, federalni ministar rada i socijalne politike objavljuje:

O B A V I J E S T
O RASPISIVANJU JAVNOG POZIVA ZA RASPODJELU SREDSTAVA S POZICIJE
TEKUĆEG TRANSFERA NEPROFITNIM ORGANIZACIJAMA - PODRŠKA
VANINSTITUCIONALNIM OBLICIMA BRIGE I ZAŠTITE

I. PREDMET JAVNOG POZIVA

Predmet Javnog poziva je raspodjela sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite koja su Odlukom o usvajanju Programa utroška sredstava s kriterijima raspodjele sredstava s pozicije "Tekući transferi neprofitnim organizacijama - Podrška vaninstitucionalnim oblicima brige i zaštite" utvrđenog Budžetom Federacije Bosne i Hercegovine za 2025. godinu Federalnom ministarstvu rada i socijalne politike ("Službene novine Federacije BiH", broj: 28/25) (u daljem tekstu: Program utroška sredstava) utvrđena u iznosu od 2.000.000,00 KM (slovima: dva miliona konvertibilnih maraka).

II. NAČIN OBJAVLJIVANJA I ROK ZA PODNOŠENJE PRIJAVA

Integralni tekst Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite zajedno s Prijavnim obrascem i Bodovnom shemom objavljen je na web stranici Federalnog ministarstva rada i socijalne politike (www.fmrsp.gov.ba)

Prijave se, u zatvorenoj koverti, podnose poštom ili se lično predaju na pisarnici Federalnog ministarstva rada i socijalne politike na adresu:

FEDERALNO MINISTARSTVO RADA I SOCIJALNE POLITIKE

Hamdije Čemerlića 2

71 000 Sarajevo

s naznakom: "Ne otvaraj: Prijava na Javni poziv za raspodjelu sredstava s pozicije
Tekućeg transfera neprofitnim organizacijama - Podrška vaninstitucionalnim oblicima
brige i zaštite".

Krajnji rok za dostavljanje prijava je 20 dana od dana posljednje objave Javnog poziva.

Broj: 05-11/13-370/25
Sarajevo, 03.06.2025. godine

Adnan Delić

PRIJAVNI OBRAZAC ZA DODJELU SREDSTAVA S POZICIJE TEKUĆEG TRANSFERA NEPROFITNIM ORGANIZACIJAMA -
PODRŠKA VANINSTITUCIONALNIM OBLICIMA BRIGE I ZAŠTITE

1. Osnovne informacije o podnosiocu prijave

Naziv podnosioca prijave (iz Rješenja o registraciji)	Sjedište podnosioca prijave (općina i kanton)	Identifikacijski broj (ID broj)
Broj transakcijskog računa	Naziv i sjedište banke	Ime i prezime odgovornog/ovlaštenog lica
Adresa podnosioca prijave	Telefon podnosioca prijave	E-mail podnosioca prijave
Šifra djelatnosti	Vrsta usluge ili usluga koje podnositelj prijave pruža	Kategorija korisnika usluge ili usluga koje podnositelj prijave pruža
Prosječan broj korisnika na mjesečnom nivou obuhvaćenih pruženim uslugama	Broj lokalnih zajednica na čijem području žive korisnici usluga koje pruža podnositelj prijave	Ukupan broj stručnih djelatnika uključenih u pružanje usluga
Ukupni planirani prihodi u 2025. godini u KM	Planirani prihodi iz vlastitih izvora ili drugih izvora finansiranja u 2026. godini u KM	Ukupni planirani rashodi u 2025. godini u KM

Naziv planiranog izdatka u 2025. godini	Ukupno potrebna sredstva u KM	Osigurana sredstva iz vlastitih izvora ili drugih izvora finansiranja u KM	Očekivana sredstva od Ministarstva u KM
Bruto plate i naknade plata djelatnika neprofitne organizacije			
Naknade troškova djelatnika neprofitne organizacije			
Doprinosi poslodavca i ostali doprinosi			
Putni troškovi			
Izdaci za energiju			
Izdaci za komunikaciju i komunalne usluge			
Nabavka materijala i stnog inventara			
Izdaci za usluge prevoza i goriva			
Unajmljivanje imovine, opreme i nematerijalne imovine			
Izdaci za tekuće održavanje			
Osiguranje, bankarske usluge i usluge platnog prometa			
Ugovorene i druge posebne usluge			
Drugi rashodi povezani s pružanjem usluga			
Ukupno			

3. Izjava podnosioca prijave

Kao odgovorna osoba Podnosioca prijave, pod punom moralnom, knjižnom i materijalnom odgovornošću, izjavljujem da su svi podaci, koji su navedeni u prijavi i prilogima za dodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, istiniti, potpuni i tačni što svojim vlastoručnim potpisom i potvrđujem.

Datum podnošenja prijave	Ime i prezime odgovorne/ovlaštene osobe
--------------------------	---

M. P.
Potpis odgovorne/ovlaštene osobe

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO RADA I SOCIJALNE POLITIKE

Bodovna shema

BODOVNA SHEMA

Napomena: Za potrebe objektivnog i transparentnog ocjenjivanja posebnih kriterija na osnovu Javnog poziva za raspodjelu sredstava s pozicije Tekućeg transfera neprofitnim organizacijama - Podrška vaninstitucionalnim oblicima brige i zaštite, Federalno ministarstvo rada i socijalne politike je sačinilo Bodovnu shemu koja će biti korištena u postupku ocjenjivanja posebnih kriterija. Na taj će način neprofitne organizacije, koje budu aplicirale na ovaj Javni poziv, imati cjelovit uvid u posebne kriterije koji će biti predmetom bodovanja. Time će im u znatnoj mjeri biti olakšan postupak pripremanja i podnošenja prijave budući da će pravovremeno biti informirane na koje elemente posebno treba obratiti pažnju. Osim toga, unaprijed pripremljeni kriteriji za ocjenjivanje s jasno utvrđenim ocjenama ili bodovima za svaki pojedini kriterij omogućuju objektivno ocjenjivanje članovima Komisije koja bude provodila postupak ocjenjivanja. Što se tiče samog postupka ocjenjivanja, odnosno cjelokupnog bodovanja važno je naglasiti da svaka podnesena prijava može ukupno osvojiti najviše 100 bodova u skladu s bodovnom shemom prikazanoj u narednoj tabeli.

POSEBNI KRITERIJI KOJI SU PREDMET BODOVANJA PREMA JAVNOM POZIVU		
Redni broj	Naziv posebnog kriterija	Pragovi bodovanja
1.	Prosječan broj korisnika na mjesečnom nivou obuhvaćenih uslugama koje su predmet Javnog poziva. Tačan broj osvojenih bodova utvrđuje se množenjem prosječnog broja korisnika s koeficijentom 1 s iznimkom kriterija koji se odnosi na 40 ili više korisnika gdje se automatski dodjeljuje maksimalnih 40 bodova	Od 1 do 39 korisnika Od 1 do 39 bodova
		40 ili više korisnika 40 bodova
2.	Ukupan broj stručnih djelatnika uključenih u pružanje usluga koje su predmet Javnog poziva. Tačan broj osvojenih bodova utvrđuje se množenjem broja stručnih djelatnika s koeficijentom 2 s iznimkom kriterija koji se odnosi na 10 ili više stručnih djelatnika gdje se automatski dodjeljuje maksimalnih 20 bodova	Nema angažiranih stručnih djelatnika 0 bodova
		Od 1 do 9 stručnih djelatnika Od 2 do 18 bodova
		10 ili više stručnih djelatnika 20 bodova
3.	Postotak sredstava osiguranih iz drugih izvora finansiranja u 2025. godini (Vlastita sredstva, budžeti drugih nivoa vlasti ili drugih institucija, donatorska sredstva i slično) u odnosu na ukupnu vrijednost pruženih usluga na godišnjem nivou. Tačan broj osvojenih bodova utvrđuje se množenjem utvrđenog procenta sufinansiranja u odnosu na ukupnu vrijednost programa s koeficijentom 0,33 s iznimkom kriterija koji se odnosi na 90% i više sufinansiranja od ukupne vrijednosti programa iz drugih izvora finansiranja gdje se automatski dodjeljuje maksimalnih 30 bodova	Baz osiguranih drugih izvora finansiranja usluga koje su predmet Javnog poziva 0 bodova
		Do 89% sredstava iz vlastitih izvora u odnosu na ukupnu vrijednost pruženih usluga koje su predmet Javnog poziva Od 0,33 do 29,37 bodova
		90% i više sredstava iz vlastitih izvora u odnosu na ukupnu vrijednost pruženih usluga koje su predmet Javnog poziva 30 bodova

Bodovna shema za provedbu postupka ocjenjivanja posebnih kriterija utvrđenih Javnim pozivom

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO RADA I SOCIJALNE POLITIKE

Bodovna shema

	Broj lokalnih zajednica na čijem području žive korisnici usluga koje su predmet Javnog poziva. Tačan broj osvojenih bodova utvrđuje se množenjem broja lokalnih zajednica s koeficijentom 1 s iznimkom kriterija koji se odnosi na 10 ili više lokalnih zajednica gdje se automatski dodjeljuje maksimalnih 10 bodova.	Od 1 do 9 lokalnih zajednica	Od 1 do 9 bodova
		10 ili lokalnih zajednica	10 bodova